

URDEN DISCIPLINAR
Scolina & scola primara Trin

sa basond sin l'art. 20 da la lescha davart las scolas popularas dal chantun Grischun e l'art. 13 dal urden da scola da la vischnanca da Trin.

relaschè dal cussegl da scola da la vischnanca da Trin ils 13 d'avust 2020, revedì ils 26 da november 2024 ed ils 20 da november 2025

1. sanadad

Il success en scola dependa tranter auter era d'ina moda da viver sanadaivla.

1.1. marena pitschna / ensolver

El mintgadi da la scola vegn il success sche noss corp è fit. In ensolver mangià senza hectica ni era ina marena pitschna rinforzan il corp ed il spiert.

1.2. pausas

Ils uffants duain sa schlucclar da la lavur da l'instrucziun. Ina concepziun activa s'auda tar la pausa gronda el liber. Il plaz da pausa è per tuts, ils uffants han da prender resguardar in l'auter.

1.3. maisa da mezdi

Per la maisa da mezdi datti in reglament spezial.

1.4. igiena dal corp

La persuna d'instrucziun recumonda e pussibilitescha da far la duscha ord motivs igienics. Davent la quarta classa èsi obligatoric da far la duscha sch'i ha anc lieu in'instrucziun suenter la gimnastica. Per ils uffants pitschens n'exista quai obligatori da duscha betg.

Per salvar saun ils dents, schubregiain nus quels en la scola primara regularmain.

1.5. pantoflas

Era pais dovran aria frestga per fladar. Ord motivs da sanadad portan tut ils uffants l'entir onn en tut ils locals da scola pantoflas. La chasa da scola è stgaudada bain. Vestgi Voss uffant uschè ch'el sa laschar il dress da skis en la gardaroba.

2. cuminanza

Per ch'igl è garanti ina convivenza agreabla ed ina cumpagnia allegraivla sin il sector da las classes e la scola, ston tuts resguardar las reglas e curvegnas.

2.1. scola

Sin l'areal, en las localitads ed en las stanzas da scola valan ils avis da las persunas d'instrucziun ni da las persunas da surveglianza incumbensadas.

2.2. salidar

En nossa chasa da scola salidain nus in l'auter. Il salidar sco segn dal respect vicendaivel sustegn ina bun'atmosfera.

2.3. respect

Ils uffants, las personas d'instrucziun, las autoritads da scola e il personal da scola s'inscuntran cun respect e toleranza.

2.4. schlogns

Tschiccar schlogns en las stanzas da scola regulescha la persona d'instrucziun da classa. En la halla da gimnastica è il schlogn scumandà.

2.5. telefonin

Per ils uffants è il diever privat da telefonins, tablets, smartwatches e sumegliants apparats scumandà.

2.6. entschatta da l'instrucziun e punctualitad

Nossa scola metta gronda valita sin punctualitad e spetga che tut ils uffants da scola e personas d'instrucziun èn prontos a l'entschatta da la lecziun.

2.7. pausas

Ils uffants van durant las pausas sin la piazza da pausas. Els vegnan survegliads d'ina persona d'instrucziun. Bandunar l'areal da scola senza lubientscha è scumandà.

3. urden

Nossa bella scola porscha localitads e apparats per intervegnir comunablamain l'instrucziun. Quels tractain nus cun quità.

3.1. schubregiar chalzers

Cu nus entrain en in local schubregiain nus ils chalzers.

3.2. gardarobas e tastgas da scola

Ils uffants ston dustar endretg lur chalzers / stgalfins e vestgadira en las gardarobas. Chaussas da gimnastica e giaccas èn da prender a chasa.

3.3. ruments

Ruments e palpiris s'audan, saja quai sin la via ni sin l'areal da scola, en ils recipients ch'èn previs per quai.

3.4. tualettas

Tut ils acturs gidan da tegnair urden e schubradad en la chasa da scola, mo oravant en las tualettas.

3.5. tractament da mobigliar

Ils uffants han quità dal mobigliar e material da scola e tegnan urden.

En localitads sco la cuschina, lavuratori e stanza d'informatica valan reglaments speziels. Donns chaschunads èn d'annunziar immediat a la persuna d'instrucziun. Donnegiaments chaschunads da gugent ni ord levsenn èn da pajar da l'uffant, resp. dals geniturs.

3.6. termagls privlus

Termagls privlus sco armas (era imitats), soft-airguns, pointers da laser, stailas da bittar, rintgs da pitgar, gronds cuntels e chaussas sumegliantas èn scumandadas sin l'areal da scola.

Trair bottas da naiv n'è betg lubì sin la piazza da scola. Quai dastg ins far sin la piazza da gieus dal areal da scola.

3.7. Inlineskates ed aissas cun rodas

En las localitads na dastg ins ir cun inlineskates, ni cun kickboards ni cun aissas cun rodas. Inlineskates ed aissas cun rodas èn da trair ora avant entrar en la chasa da scola ni en la halla polivalenta. Durant il temp da scola dastg ins charrar cun quels sin l'areal da scola. Durant tut las activitads cun rodas ston ins purtar chapellina.

4. segirtad

Nus empruvain communablamain dad evitar accidents, donnegiaments ed enguladitschs perquai ch'il bainstar da mintgin stat el center.

4.1. chapellina da velo

Tar tut las activitads da scola ston ins purtar ina chapellina da velo.

4.2. donnegiar possess privat

Velos, scarsolas e kickboards dastgan vegnir mess mo els lieus destinads. Per enguladitschs ni donnegiaments na garantescha la scola betg.

4.3. via da scola

Il cussegl da scola porta la responsabladad, che tut ils uffants han ina via da scola imputabla tge che pertutga la distanza dad ir a pe, med da transport e segirtad. Per il cumportament dals uffants sin via da scola èn ils geniturs responsabels. Cura ch'ins dovra skateboards, kickboards, inlineskates e velos en il traffic sin via è in cumportament correct indispensabel. Ils uffants che abiteschan a Mulin survegnan avant l'entschatta da scola in abunament da posta annual che vala per quai tschancun

4.4. objects da valur

Tut ils uffants han quità ord agen interess per lur chaussas privatas. Uschè san ins evitar enguladitschs en gardarobas, chasa da scola e halla polivalenta.

5. absenzas

5.1. frequentar la scola, princip

Ils responsabels per l'educaziun èn obligads da trametter lut uffants a scola (art. 10 & 11 lescha da scola chantunala). Els han da respectar ils temps da scola.

Durant il temp d'instrucziun èn ils uffants obligads da prender part a l'instrucziun. Termens da medis, dentists, terapias ed auters termins èn da fixar sche pussaivel sin il temp liber.

Sch'in uffant è malsaun ni sa betg vegnir a scola infurmeschan ils responsabels per l'educaziun uschè spert sco pussaivel la persuna d'instrucziun da classa.

5.2. occurrenzas da scola

Uffants e persunas d'instrucziun sa participeschan ad occurrenzas specialas da la scola, era sche quellas n'èn betg en l'urari ordinari. Sch'in uffant na sa betg prender part ad ina tala occurrenza prendan ils responsabels d'educaziun si contact cun la persuna d'instrucziun da classa e sclereschan la situaziun.

Persunas d'instrucziun che na pon betg sa participar contacteschan la direcziun da scola.

5.3. motivs da perstgisa

Sco motivs da perstgisa per absenzas valan oravant malsogna ni accident, impediment tras forzas natiralas, mort d'in commember da la famiglia ni in'autra persuna da referiment, termins da medis urgents. Igl è d'infurmar immediat la persuna d'instrucziun responsabla. Datti dubis pervia dal motiv da dispensa infurmescha la persuna d'instrucziun immediat la direcziun da scola. Il cussegl da scola decida definitivamain.

5.4. cumpetenzas da congedis

La cumpetenzza da congedis vegn delegada suandantamain dal cussegl da scola:

congedi	lubì da:	Temp per inoltraziun
emprims 4 mezdis (joker)	persuna d'instrucziun da classa	2 dis (per klapp)
ulteriurs 13 dis	autoritads da scola	4 emnas (dumonda a scrit)

Dis da joker dastg ins retrair flexibel durant l'onn da scola.

Durant l'entir onn da scola èsi da manar ina controlla d'absenzas tras la persuna d'instrucziun da classa. Dumondas che van sur quels 15 dis ora èn dad inoltrar a l'uffizi per scola populara ed il sport.

5.5. restricziuns

Dis da joker e dumondas da congedi per prolungar las vacanzas a l'entschatta ni a la fin da l'onn da scola na vegnan betg lubids da principi. Ina prolungaziun da vacanzas ni in congedi che cuzza dapli che dus dis vegn lubì mo ina giada per ciclus. Prolungaziuns da vacanzas e dumondas da congedi dad in'emna e dapli e vegnan lubidas mo ina giada en in ciclus.

5.6. instrucziun da recuperaziun

I dat naginas pretensiuns per in'istruzziun da recuperaziun. Ils uffants / responsabels per l'educaziun èn sezs responsabels da recuperar la materia da scola, la quala ch'ins ha manchentà. Las persunas d'istruzziun èn legitimadas da laschar prender suenter examens.

5.7. procedura tar cuntravenziuns

Responsabels per l'educaziun che na tramettan betg lur uffants regularmain a scola ni che prendan lur uffants senza lubientscha da congedi ord l'istruzziun san vegnids punì tenor art. 68 ed art. 96 da la lescha da scola chantunala cun chastis fin fr. 5'000.00. Las persunas d'istruzziun da classa èn obligadas d'infurmar dad absenzas nunlubidas la direcziun da scola, resp. il cussegl da scola.

5.8. istruzziun da religiun

Las baselgias chantunalas concedan ina lecziun d'istruzziun ad emna en nossa scola. Tut las scholaras ed ils scholars visetan quell'istruzziun. Ina retratga a scrit sin fundament da la libertad da cretta è pussaivla. Quella è dad inoltrar avant l'entschatta dal onn da scola a las autoritads da scola e vala per il temp da scola restant.

5.9. cunvegna per sportists

Per uffants davent la tschintgavla classa, che vulan auzar il volumen da trenament, datti la pussaivladad dad inoltrar ina cunvegna da sport. Quella regulescha las absenzas da maximal 15 dis (era retratgas da singulas lecziuns).

6. en general

6.1. mesiras disciplinaras

Uffants che na sa tegnan betg vid las reglas han da quintar cun mesiras disciplinaras (art. 7.1 e 7.2)

6.2. suandar avis

Durant excursiuns, viadis, champs euv. surportan ils responsabels per l'educaziun la responsabladad al las persunas d'istruzziun. A lur avis e decisiuns han ils scholars da suandar.

7. cumpetenzas, chastis disciplinars, procedura

basa giuridica

Sin fundament da la lescha chantunala e l'urden da scola da la vischnanca da Trin relascha il cussegl da scola quai urden disciplinar. Quel vala per tut ils uffants che frequentan la scola e la scolina da Trin.

intent

L'urden disciplinar serva cun l'urden da scola da cuntanscher l'intent da la scola. El regla il cumportament en la cuminanza e garantisce a mintg'uffant la pli gronda libertad pussaivla. La libertad da mintgin chatta ses cunfins tier la libertad da l'auter.

7.1. cuntravenziuns/delicts

7.1.1. cuntravenziuns entaifer l'areal da scola

Tar cuntravenziuns encunter quel urden disciplinar ni autras reglas da scola san ins dar reprimandas a scrit ni a bucca, chastis, arrests ni lavurs spezialas cun surveglianza als culpants. Per far ils chastis san ins clamar ils uffants durant lur temp liber, numnadamain suenter scola, mesemna suentermezdi, sondas, dis libers da scola ed en mender cas durant firads (excepziun dumengia e firad). La persuna d'instrucziun annunzia las cuntravenziuns a la direcziun da scola e quella regla il chasti. Cuntravenziuns pli grondas regla il cussegl da scola. Cuntravenziuns sin via da scola san era vegnidas sancziunadas.

7.1.2. cas penals ordaifer l'areal da scola

Ordaifer l'areal da scola èn ils uffants suttamess al dretg penal da giuvenils svizzer. Quel preveda la suandanta regulaziun:

Uffants sut 10 onns:

Tar cumportament punibel van las infurmaziun als represchentants legals (responsabels per l'educaziun). En cas difficils vegn la APUC involvida.

Giuvenils tranter 10 e 18 onns:

La pussanza giudiziala per cas penals ha la Procura per giuvenils dal chantun Grischun, Cuira.

7.2. constataziun dal fatg, udida giuridica

La moda e las circumstanzas dal surpassament disciplinar èn da vegnir scleridas. Il scolar ha da vegnir consultà. Per cas, nua ch'è vegn en dumonda in arrest da dapli ch'in mez di u ina lavur speziala sut surveglianza, èn da consultar avant la decisiun era ils possessurs da la pussanza dils geniturs, resp. da lur represchentants.

7.3. recurs

Decisiuns disciplinas e disposiziuns èn menziunadas en la lescha ed en la ordinaziun da scola chantunala.

7.4. Infurmaziun personas d'instrucziun ed autoritads da scola

Las personas d'instrucziun e las autoritads da scola infurmeschan in l'auter cun resguardar l'obligaziun da discreziun e l'opportunitad dals cas disciplinars.

8. determinaziuns finalas

Ultra da quai valan las determinaziuns da la lescha chantunala e da l'urden da scola chantunal. Quai urden disciplinar remplazza quel da l'onn 2024.

9. vigur

Quai urden disciplinar è vegni approvà a la sesida dal cussegl da scola dals 20 da november 2025. El va en vigur l'emprim da schaner 2026.

presidenta dal cussegl da scola

Silvia Capatt

actuara

Martina Frischknecht